

Նել արքայիս Յայոց Արշակայ, զի զայսպիսի գործ գործեաց, կամ զայսպիսի քաջութիւն արարեալ, կամ զայսպիսի թշնամիս եհար եւ զայսպիսի պատերազմ մղեաց, կամ այսպիսի ճակատու յաղթեաց եւ զայսպիսի անուն ստացաւ մեզ: 27 Չի եթէ մեք լեալ էաք, ամենայն Արեաց զաւրբ հանդերձ այսպիսի աջողութեամբ գայր ի ձեռն, քաջ թէ զոյգ հասարակ այսպիսի գործ ի միասին կարեաք գործել: արդ Յայոց արքայ իւրով զաւրութեամբն ընդ մեր Նահատակեալ, զայսչափ քաջութիւնս արար, զոր ոչ ոք կարէ առնել ամենեւին: 28 Արդ զորպիսի՞ հատուցումն բարեաց կարասցուք մեք առնել նմա: 29 Եւ այսպիսի անգեալ էր ի խորհուրդս, թէ զի՛նչ այն ինչ իցէ զոր տայցեմ ես նմա: 30 Ապա տային պատասխանի Նախարարքն իւր Շապիոյ արքային Պարսից, եւ ասէն ցնա՝ թէ զինչ եւ կամիս, իւ կամիս՝ կարող ես հաճել զնա. ոսկի քո շատ եւ արծաթ, կերպաս եւ մարգարիտ. զինչ եւ միանգամ դու կամիս շնորհել նմա, տուր նմա: 31 Ապա տայր պատասխանի Շապուհ թագաւորն Պարսից իւրոց իշխանացն, եւ ասէ. Արդ ոչ եթէ սեր ինչ է, զոր դուք աւսացէք. այլ եկայք, անբակ սեր արասցուք մեք ընդ Արշակայ արքային Յայոց, զի մինչեւ յաւիտեան անբաժին լիցի Նա ի մենջ: 32 Տացեմ զդուստր իմ կնութիւն Արշակայ արքային Յայոց, եւ տաց նմա տուն մեծ. զի յորժամ զնացէ ի Յայոց գալ առ մեզ, այնպէս տացուք նմա տուն, զի ի Յայոց մինչեւ ի Տիգրոն մինչեւ առ մեզ համակ յիւրում տան ազգի, մինչեւ առ մեզ եկեսցէ: 33 Թագաւորին զայս արասցուք. իսկ զաւրավարին Վասակայ կամ այրոց մեծամեծացն եւ զաւրավարացն տացուք ոսկի եւ արծաթ, կերպաս եւ մարգարիտ: 34 Եւ հաճեցան մեծամեծքն եւ խորհրդակիցք թագաւորին Պարսից ընդ այս խորհուրդ, եւ հաստատէին զասացեալսն՝ թէ արժան է զայդ առնել:

35 Իսկ թագաւորն Պարսից Շապուհ մեծաւ ստիպով ստիպէր զթագաւորն Յայոց զԱրշակ, զի առցէ զնացէ զնա ընդ ինքեան յԱսորեստան, զի անդ մեծափառ պատուով եւ փեսայութեամբ մեծարեսցէ զնա: 36 Իսկ Արշակ եւ ամենայն զաւրբ իւր տաղտապէին<sup>1</sup> երթալ զհեռի ճանապարհն. զի ամենայն ոք յանձնիւր տուն յիւրաբանչիւր տեղի զաւրէն բարուց հայաստան մարդկան անձկացեալ էին: 37 Եւ եղել իբրեւ ի վերայ հասանէր իրացն Անդովկ Նահապետն Սիւնեաց զաւառին, եթէ Շապուհ թագաւորն Պարսից կամի տալ զդուստր իւր կնութեան Արշակայ թագաւորին Յայոց, մեծապէս երկեաւ, եւ բախեցաւ Նորա կասկած մտացն իւրոց: 38 Չի եղ ի մտի իւրում թէ յորժամ առցէ Արշակ կին իւր զդուստր թագաւորին Պարսից, յայտ է այնուհետեւ՝ թէ անարգի դուստր Նորա: 39 Վասն զի Փառանձեմ դուստր Անդովկայ, որ էր կին լեալ Գնելոյ, ի ժամանակի անդ էր կին Արշակայ թագաւորին Յայոց. կասկածէր Նա՝ թէ գուցէ յորժամ այլ առցէ, զնորայն անարգեսցէ:

1 *Յերկուս օրինակս՝ տաղտկապէին*